

Donostia, 2021eko otsailaren 19a

UDALBATZAREN IDAZKARI NAGUSIARI

AMIANTOA DUTEN ZABORRA BATZUK BILTZEAREN GAINEKO KONTROL MOZIOA

Elkarrekin Donostia udal taldeko zinegotzi Haizea Garay Gallastegui, Udalbatzaren Organo Araudiko 98. artikulua ematen duen babesa aintzakotzat hartu eta KONTROL MOZIO hau dakar, LURRALDEAREN GARAPEN ETA PLANIFIKAZIO BATZORDEAK hil honetan izandako bileran amianto duten zaborra batzuk biltzearen gainean egindako interpelazioaren ondorioz.

JUSTIFIKAZIOA

Aurreko larunbatean, urtarrilak 30, Martutenen zaborra batzuk legez kontra botata zirela salatu zuten; Larrañategitik Miramon aldera igotzeko bidean, zehazki. Botata diren materialen artean erraz ikusten da uralita dagoela; beraz, amianto du eta material arriskutsua da osasun publikoarentzat.

Gogorarazi dezagun joan den irailaren 18an mozio bat eraman genuela Osoko Bilkurara, Martutenen legez kontrako zabortege bat zegoelako, uralita ere bazuena. Barkaiztegiko bidean zen, zehazki, hura, garai bateko Lanbide Heziketako Institutuaren sarreratik gertu, oraingo zaborra hauek botata diren tokik urruti gabe. Barkaiztegiko bideko zaborren gaineko mozioa aurkeztu genuenerako, zaborra haiek bazeramaten sei hilabete, behintzat, han –otsailaz geroztik han ziren eta–, eta batere tapatu eta isolatu gabe zeuden, amiantoak zer arrisku dakarren jakin arren, eta han segitzen zuten –kendu gabe– nahiz eta udal gobernuak bazuen egoeraren berri.

Hil honetako batzordearen bilera izan baino egun batzuk lehenago, Udal Gobernuak komunikabideen bidez jakinarazi zuen kendu zituela zaborra haiek handik. Udal Gobernuak eman eta hedabideek zabaldutako informazioak jartzen zuen garbiketa-zerbitzuko langileek kendu zutela materiala. Era berean, jartzen zuen Zierbenako zabortegira bidali zutela.

Informazio horren aurrean, Batzordean galdetu genuen zer prozedurari segitu zioten, enpresa espezializatu batek jaso behar baitu materiala, hondakin arriskutsu horiek manipulatzeko baimena duen batek. Halaber, materialak bidalitako zabortegiaz ere galdetu genuen, Zierbenakoa ez baitago material mota hori hartzeko baimendutako hondakindegien artean.

Gure taldeak batzordean erakutsitako kezkaren aurrean, segitutako prozedurari buruzko beste informazio bat eman zigun Udal Gobernuak handik egun batzuetara. Hala, jasotako informazioak elkarrekin ondo-ondo ere ezkontzen ez direnez, eta manipulatu beharreko materialen aldetik nahiko gai larria izanik, hauxe da gure

KONTROL MOZIOA

1. Donostiako Udalbatzak Udal Gobernuari eskatzen dio azaltzeko Udalak hondakin kutsatuak kentzeko zer protokolori eta prozedurari jarraitzen dion –batez ere hiriko zenbait tokitan agertu diren amiantoeko hondakinak kentzearen gainekoak–, eta, era berean, hondakinak zein tokitara eraman diren ere jakinarazteko.
2. Donostiako Udalbatzak Udal Gobernuari eskatzen dio erregistro bat egiteko, amiantoa eta horrelako material arriskutsuak manipulatu dituen udal-langile, emakidetako eta/edo azpikontratetakorik baldin bada, jaso eta haien osasunaren segimendua eta kontrola egiteko.
3. Donostiako Udalbatzak Udal Gobernuari eskatzen dio jardun protokolo bat aurkezteko, hiriko tokiren batean hondakin arriskutsuren bat botata dela konturatutakoan, lehenbailehen eta, langileentzako eta herritarrentzako, seguru kentzeko haiek.

4. Donostiako Udalbatzak Udal Gobernuari eskatzen dio informazio kanpaina bat egiteko, herritarrei uralita eta amiantoa duten hondakinak zeinen arriskutsuak diren eta material horien eraginpean egoteak osasunarentzat zer ondorio dakartzan erakusteko.
5. Donostiako Udalbatzak Udal Gobernuari eskatzen dio harreman tekniko bat jartzeko osasun eta ongizate arloan, era horretako materialak kendu behar dituzten pertsoneri informazioa eman eta hondakin kutsatu horiek kentzea kudeatzen laguntzeko, legez kanpo ez botatzeko horrelako hondakinak hiriko edozein tokitan.
6. Donostiako Udalbatzak Udal Gobernuari eskatzen dio erregistro bat irekitzeko, herritarrek jarri ahal izateko han zer material kutsatzaile eta zehazki hiriko zein tokitan ikusi duten.
7. Donostiako Udalbatzak Udal Gobernuari eskatzen dio azterlan bat egiteko, hirian amiantoz kutsatuta dauden puntuak non dauden jakin eta, ondoren, toki horiek berreskuratzeko balio izateko.

Haizea Garay Gallastegui,
Elkarrekin Donostiako zinegotzia